



A LA ROYNE,



ADAME,

Ce seroit renoncer aux
fidelles seruices que no-
stre maison a rendus au deffunct grād
monarque HENRY, si les deuant
continuer à vostre Maiesté, & au
Roy vostre fils, ie ne les employois
aussi en la deffence de ses bons serui-
teurs : c'est ce qui me fait maintenant
mettre à nud deuant les yeux de vo-
stre Maiesté, les mensonges controu-
uées contre la societé des Peres Ie-
suites, & l'aduertir que si Elle iette
tant soit peu l'œil sur le premier fueil-
let de l'Epistre de ce liure (intitulé
l'Anticoton duquel l'autheur, l'ayant
dedié à vostre Maiesté, a peut estre

Case

F

39

.326


1610 m

2

oublié, ou n'a pas osé le luy presenter)
elle en discernera aussi tost l'impostu-
re d'avec la verité par son beau iuge-
ment, outre ce qu'il y a ie ne scay quels
caracteres dans le mensonge, qui ne
peuvent estre facilement dechiffrez que
par les ames sacrees, comme les Roys
& Anges, Je supplie vostre Maiesté
de recevoir ce que la pieté, & le Zele
m'en a faict escrire, & luy faite tenir
rangen la continuation de mes fidel-
les services, me faisant l'honneur que
de me recognoistre tousiours.

Madame de vostre Maiesté,

Le tres-humble, & tres-fi-
delle subiect, LOVYS DE
MONTGOMMERY.



LE FLEAV D'ARISTO- GITON.

On contre le calomniateur des Peres Iesuites ,
foubs le tiltre D'ANTICOTON.



Vand il n'y auroit autre
raison pour me faire croi-
re que les Peres Iesuites
sont tres-vtiles en Fran-
ce pour la manutention
de la Religion, ie le iugeois par l'extré-
me animosité que les Huguenots ont
conceuë contre eux. Sur ce suiect il
s'est trouué ces iours passez vn mau-
uais petit discours ou plustost inuesti-
ue que nous a produit vn Docteur à
trois lettres, intitulant son traicté L'AN-
TICOTON, mais il deuoit plustost di-
re l'Aristogiton. Nostre mal est, qu'il
se coule souuent parmy nos Docteurs
certains gaste papiers, certains freslons
qui consomment les fleurs : des empoi-
sonneurs de ruches : des Ianus à deux
visages, des Ministres encheuestrez

d'un froc d'innocence, des loups garous sous la peau de la brebis qu'ils ont deuoree. Mais voyez cestuy sous la table comme il fait le chien couchâr: lisez son factum: vous le conoistrez tout aussi tost: c'est Lycaon, voilà le galant: ne voyez vous pas ses pattes pelluës, son long museau, & sa dent enuenimee au sang de toute l'Eglise. Il n'aboye, ce dit il, que les Iesuïtes, mais il veut faire avecque nous la capitulation que l'Apologue Esope fainct auoir esté faicte entre les loups, & les brebis. Les loups demanderent en ostage les dogues des Bergers: ce qu'estant fait ils eurent par apres bon marchè du troupeau. Je sçay bien qu'on ne treuuera dans son foible discours rien qui puisse contenter vn esprit fort & solide tels que ce siecle en a produict: Car ce n'est qu'une escapade de quelque esprit leger, vn œuvre sans fonds ny riue, duquel les plus fortes auctoritez sont puisees dans la source du mensonge.

Et qui prèdra garde aux fondemens de ses argumēs treuuera que la position n'est vau trié. Car s'il dit que les Iesuites sont coupables & auteurs du parricide

D'ARISTOGITON.

commis en la personne du deffunct Roy, que c'est l'opinion cōmune parmi tous les François & estrangers, que c'est la creance des Parlemens, de la plus part du Clergé, & de la sacree faculté de Theologie: cela estant appertement faux, quel peut estre le reste du Syllogisme?

Il est à noter que toutes les autoritez qu'il cite sont aiustees à son point, déguisees ou falsifices à la huguenote, ou du tout fausses & controuuees. Or pour accuser les Iesuites de ce detestable coup, il allegue Iean Petit du temps de Charles V I. Cela ne fait rien ny contre eux, ny contre l'Eglise: Laquelle il veut accuser en general sous le nom particulier des Iesuites, [car ils n'ont esté instituez que long temps depuis. Et quant à la proposition: sçauoir s'il estoit licite de tuer les Princes tyrans, elle fut condamnée par le concile de Constance, session 15. Mais de son equiuoque, nous argumentons à son preiudice, que les Iesuites sont du corps de l'Eglise, croyans & ensuiuans les statuts d'icelle, & de ses Conciles défendants de tuer les Roys: donc les Iesuites ne croient ny n'enseignent qu'il faille tuer les Roys

Mais y a il apparence d'accuser tout le corps pour deux particuliers, qui durant les guerres civiles ont comme ennemis, l'un escrit & l'autre presché avec animosité, mesmement le suiet qu'ils prenoient lors ayant depuis manqué, l'instruction est demeuree nulle, le pretexte cessant.

Mais quand il veut accuser les Iesuites de cetêps, il allegue ceux qui n'estoient plus, lors que le malheur nous est arriué. Et pour les conuaincre du parricide de HENRY III. il parle de la mort de HENRY III. Et puis faisant parler Bellarmin à tort & à trauers, il ne peut si bien se feindre Catholique, qu'il ne nous fasse voir la hart du fagot, voulant à tous coups heurter ce grand bastiment de l'Eglise. Mais il luy faut donner vne saccade du caueçô: & le remettant sur sa carriere, luy dire qu'il ne s'agit pas de sçauoir si quelques Iesuites ont dit ou escrit qu'on peut tuer vn Roy Tyran, lequel le Pape aura déclaré tel, & dispensé les suiets du serment de fidelité. Car ceste dispute a esté tant de fois vuidee, & ceste erreur refutée par des plumes mieu xtaillées que la sienne: qu'il a mauuaise grace d'y mettre le nez. Mais nous luy demandons la

preuue de son accusation qui est telle: les Iesuites ont fait tuer le ROY HENRY le Grand 4. de ce nom. L'ors il dit que c'est leur doctrine & leur instruction qui a poussé ceste parricide main dans le sein de nostre ROY. Je responds que pour la lecture des liures qu'il allegue, qu'ils sont en Latin tres obscur, & que Rauail-
lac ne l'entendoit pas: qu'estant interrogé à la question, sçauoir s'il auoit creu aucun de ces liures, il a respondu que non & qu'il n'auoit receu aucune instruction des Iesuites: Que lors que l'on preschoit dans Paris contre le Roy, il estoit trop ieune, & n'estoit point sur les lieux pour en auoir, colligé ce meschant dessein. C'est accuser les Iuges & la Roynne mesme, qui si curieusement ont recherché dans cette ame maudite l'origine de nostre dommage & lesquels n'y ont trouué autre suscitation, ny autre coupable que le diable, & luy mesme mais cestuy-cy en veut sçauoir d'auantage qu'eux, & voulât mal d'ailleurs aux Iesuites, ou plustost à l'Eglise en leur personne, ils'en veut venger en esmouuant le peuple contre eux, ou faire vn schisme dans l'Eglise en les separant

LE FLEAV

d'auec nous & s'il auoit quelque preuue de sō dire il se deuoit adresser à la royne en particulier & luy en donner aduis mais de le faire imprimer & exposer par des crieurs d'Almanachs à Charenton c'est monstrier son animosité, & crier arme, arme. Or pource qu'il cite Mariana ie dis auec tous les Iesuites que le 5. & 6. chapitre de son liure intitulé *De Rege, & Regis institutione*, sōt tres-pernicieux, & de dangereuse lecture. Mais il l'a mal cité, & adiousté du sien. Et quant à ce qu'il dit que le general Aquaiua l'a approuué comme il luy impose, cela est faux: car tout le liure estoit comme enseuely depuis long temps par son cōmandement, sans les Huguenots qui l'ont fait r'imprimer par les heritiers de Vvechel. Que s'il a causé quelque mal ils en sōt coupables. Et pour ce qu'il fait dire à Gretzer, il est faux, pour le peu d'infirmes autoritez qu'il cite, celles-cy suffisent en eschange. Et quand il plaira à vostre Maiesté de me le commander, ie feray voir que les Docteurs Lutheriens & Huguenots ont plus effrontément prononcé contre les Papes, Empereurs, Roys & Princes que ne fit iamais Mariana, ny aucun Iesuiste.

Vvycler

Vvycletau Concile de Constance, session 5. art. 30. *Ala vraye puissance seculiere la iustice du domaine est necessaire, en sorte qu'aucun estat en peche mortel n'est Seigneur d'acune chose, & n'est aucun Seigneur ciuil, aucun n'est Euesque, aucun prelat, tant qu'il est en peche mortel.* Le mesme, au mesme concile, session. 15. art. 31. *Tout Tyran peut & doit licitement et meritoirement estre tue par quelque sien vassal & suiet, quel qu'il soit, mesmes par embusches occultes, & subtils allechemens & flateries, nonobstant quelconque serment qu'on luy ait arresté, & confederation faite avec luy, sans attendre sentence ou mandement de quelque sorte que ce soit.*

Voyla vn eschantillon de la doctrine de ce bon Patriarche des Huguenots. Ioã Caluin a voulu faire plus le modeste toutesfois vous ne laisserez de voir au trauers de ces douces parolles de quelle façon il deteste les Roys. Sur daniel, cha. 6. parlât des Roys: *Ce n'est donc qu'abus & déguisement de ce qu'ils se vantent, qu'ils sont regnants par la grace de Dieu: puis qu'ainsi est nous pouuons facilement iuger par là de quel orgueil originel les Roys profanes mesprisent Dieu, encores qu'ils ne prennent pas mesme à fausses enseignes le nom de Dieu, comme font*

ces malheureux, lesquels se mocquent de Dieu tout ouuertement, & par ce moyē profanēt ce mot de grace. Le mesme sur le 5. de Daniel Et combien qu'ils se vantent à pleine bouche qu'ils regnent par la grace de Dieu, si est ce qu'ils mesprisent toute Maieſté diuine, d'autāt qu'ils rauissent à eux la gloire de Dieu, voila quelle est la rage & forcenerie de tous Roys. Et vn peu pl^s bas sur le 6. de daniel, ver. 3.

Car aujourd'huy sans amener les histoires anciennes, selon que les Roys sōt presque tous hebetes & brutaux, aussi semblablement sont ils comme les cheuaux & les asnes, des bestes brutes. Et au verset 22. il passe plus outre & dit. Car les Princes terriens se demettēt & priuent eux mesmes de leur puissance quand ils s'esleuent contre Dieu, voire ils sont indignes aurang des hommes. Il leur faut donc pluſtoſt cracher au visage que de leur obeir, quād ils sont si fiers & outrecuidez de vouloir mesme des pouiller Dieu de son droit, & quasi occuper son siege comme s'ils pouuoient l'arracher du Ciel.

Mais Buchanan sous l'affeterie d'vn beau langage se peut dire le passeroute: car il encherit par dessus mariana. l'ay recueilli, c'est abregé d'entre milles autres blasphememes. Attendu que les voleurs qui ou

trepassent les bornes de la société humaine sont punis, ces tyrans là, qui n'ont iamais voulu entrer en ces parcs doivent estre tenus pour ennemys de Dieu & des hommes, & les mettre plustost au nombre des loups, & de toutes autres sortes de bestes nuisibles, que d'hommes, lesquels qui nourrit, nourrit la perdition à soy & aux autres, qui les tue profite non seulement à soy, mais publiquement à tous.

Et parce qu'il craint qu'entre mille autoritez de la sainte Escripture qui sont cōtre sa damnable erreur l'on ne luy obiecte que Ieremie admoneste les Iuifs d'obeir au Roy des Assiriens il dit encore ainsi, De l'exemple de Ieremie qui admoneste les Iuifs qu'ils obeissent au Roy des Assiriens il ne s'ensuit pas qu'il faut obeir à tous les Tyrans plustost qu'il les faut tous tuer, d'autant que Dieu cōmanda qu'Achab fut mis à mort par Iehù chef de ses troupes, & auquel à cette cause recompense fut ordonnée de Dieu.

En fin nostre compteur de series rebat pour conclure, & fait vn tiers chapitre à part iutitulé, Que les Iesuites sont coupables du parricide de nostre Roy deffunct HENRY III. Cette Catastrophe, laquelle deuroit estre riche de preuues & d'autoritez, n'est ornee

que de petits contes controuués & propres à reciter en tauerne, entre la poire & le fromage, non pas pour apporter en qualité de preuue sur chose de si haute consequence, comme il se plaint que les Iesuites n'estoient point au conuoy & pompe funebre de l'enterrement du feu Roy. A quoy il faut respondre qu'il ignore les statuts de leur ordre, comme aussi des Chartreux, Celestins, & autres qui ne s'y sont non plus treuuez pour ceste mesme raison. Que si l'on luy demande où estoient les Ministres, il n'a point d'autre raison à alleguer pour eux sinon qu'ils n'auoient pas assez de pieté ny de ressentiment de la perte commune & generale à la patrie. Mais il ne veut pas sçauoir que les Iesuites furent en corps donner de l'eau beniste au defunct le iour de l'enterrement.

Il dit que le pere Coton a eu la curiosité de s'enquerir à vne Demoniaque de la vie du Roy, & qu'au Deuteronomie 18. il est deffendu de s'enquerir du terme de la vie de son Prince. L'un est aussi veritable que l'autre: il est bien deffendu en celieu là de croire aux forciers, mais des'enquerir d'une demoniaque de la

vie du Prince, il a cité l'escriture à faux: car cela ne s'y treuve point, ny chose approchante.

Il dit que le mesme Coton auoit escrit en Espagne les secrets du Roy deffunct, & que le Roy d'apresent luy a reproché depuis peu de iours: Cela est vne fable. La Roynemeisme a dict que cela estoit vn impudent mensonge, comme aussi a fait Monsieur de Sully en presence de la Roynne, de Monsieur de Ville-roy, & d'autres Seigneurs de marque.

Il dit qu'il a dict à Rauaillac qu'il n'accusat point les innocens. Quand bien cela seroit il ne traine aucune consequence qui preuue son imposture contre le Pere Coton & les Iesuites.

Pour les nouuelles qu'il dit estre venues d'Alemagne & autres lieux Monsieur de Vauſſemin, dit l'Argentier, ny son fils le Bailly de Troye ne l'aduouëront point de cela, & maintiendront qu'il ne leur est arriué nouuelles de Prague ny par vn Iesuite ny par autres, que long temps apres la mort du deffunct Roy.

Monsieur l'Abbé du bois maintient n'auoir iamais parlé de ce que cet escriuain mensonger dit qu'il a soustenu

au pere Coton estre aduenu en la ville d'Auignon.

Il dit puis apres que le Pere Gontier a presché seditieusement, mais il se garde bien de dire quoy. Or le pere Gontier a presché contre le 31. article de la confession de foy des ministres Huguenots, par laquelle ils declarent le Lieutenant de Dieu en terre le successeur de S. Pierre, le pere commun de la Chrestienté, chef visible de l'Eglise, de laquelle le Roy de France est le fils aîné; Ce Pere dis-je, ils le declarent estre ce grand & pernicieux Antechrist, décrit par Daniel en ses visions, & par S. Iean, en son Apocalypse, blaspheme plus pernicieux que tout ce qu'ils pourroient iamais imposer ny supposer aux Iesuites. Quant à eux en general, & le pere Coton en particulier, chacun sçait assez la perte qu'ils ont faicte, & mesme par cest eschantillon: car leur bon Prince, & bienfauteur ne souffriroit pass'il viuoit que l'on les harcelat de la façon, ny que l'on tachast à mutiner la France contre eux. Voila à peu pres la rapsodie de laquelle il conclud la resolution de sa position, à sçauoir que ce sont les Iesuites qui ont faict tuer le Roy. La peine d'un homme de bien est

mal employee à deceler tant de fables: mais baste; encor luy falloit-il dire qu'il auoit tort, non pour bien que ie luy vueille, mais l'on faiet bien peur à vn li-masson, afin qu'il cache ses cornes.

Vn seul conseil luy veux- ie donner: mais peut estre il l'a pris de meilleure heure: c'est de ne dire pas son nom, encor qu'il le nous ait promis, & ce pour obuier aux fausses Propheties, ou bien s'il le fait, il nous produira quelque nom de guerre dont le diable ne s'aduiferoit pas.

Pour moy mon aduis a esté que les peres Iesuites ne fissent aucune res- ponde à ce calomniateur, & ie leur ay conseil- lé de s'aller ietter aux pieds de vostre Majesté, & offrir leurs testes pour ex- pier leur faute, si ce dont il les accuse est veritable; sinon la supplier que l'im- posteur soit exemplairement chastié, comme mutin & seditieux, crainte que ce qu'ils nous a predict que nous ressen- tirions bien plus à l'aduenir nostre per- te ne soit veritable. Dieu nous vueil- le preseruer par sa misericordieuse bon- té que la Prophetie de cét oiseau de mau- uais presage n'arriue,

